

Pleidleisio drwy'r post

Mae'r ffurflen hon ond yn gymwys yng Nghymru.

Mae'n rhaid eich bod yn gymwys i bleidleisio ac wedi cofrestru i gael pleidlais bost.

Gallwch ddefnyddio'r ffurflen hon i wneud cais i bleidleisio drwy'r post yn etholiadau Senedd y DU ac mewn etholiadau Comisiynwyr yr Heddlu a Throseddu.

Mae etholiadau Senedd y DU yn cynnwys etholiadau cyffredinol Senedd y DU, is-etholiadau a deisebau adalw.

Gallwch wneud cais i bleidleisio drwy'r post ar gyfer etholiad penodol, am gyfnod penodol o amser neu am uchafswm cyfnod o dair blynedd.

Bydd eich swyddfa cofrestru etholiadol leol yn cadarnhau hyd cyfnod eich pleidlais bost. Pan fydd eich pleidlais bost yn dirwyn i ben, bydd angen i chi wneud cais am un newydd er mwyn parhau i bleidleisio drwy'r post.

Bydd angen i chi ddefnyddio ffurflen wahanol i wneud cais am bleidlais drwy'r post yn etholiadau'r Senedd ac mewn etholiadau cynghorau lleol.

I gael rhagor o wybodaeth am bleidleisio drwy'r post a ffyrdd eraill o wneud cais, ewch i **comisiwnetholiadol.org.uk/pleidlaisbost**.

Gellir anfon pleidleisiau post i gyfeiriadau yn y DU a thramor.

Sut y gallaf wneud cais i bleidleisio drwy'r post?

- Llenwch y ffurflen gais pleidleisio drwy'r post.
- Gwnewch yn siŵr eich bod yn cwblhau pob rhan angenrheidiol o'r ffurflen ac yn rhoi eich dyddiad geni a'ch llofnod. Mae angen yr wybodaeth hon er mwyn atal twyll. Os na allwch lofnodi'r ffurflen hon, cysylltwch â'ch swyddfa cofrestru etholiadol leol.
- Os oes gwybodaeth goll neu anghywir yn eich cais, efallai y bydd eich swyddfa cofrestru etholiadol leol yn cysylltu â chi. Mae'n bosibl y bydd angen i chi ddarparu dogfennau ategol a gall gymryd mwy o amser i brosesu eich cais.
- **Dylech ddychwelyd eich ffurflen i'ch swyddfa cofrestru etholiadol leol.** Mae ei manylion a rhagor o wybodaeth ar gael yn **comisiwnetholiadol.org.uk/pleidleisiwr**.

Peidiwch â dychwelyd eich ffurflen i'r Comisiwn Etholiadol.

Y dyddiad cau ar gyfer dychwelyd eich cais pleidlais bost yw **5pm, 11 diwrnod gwaith cyn y bleidlais**.

Os nad ydych eisoes wedi cofrestru i bleidleisio, rhaid i chi wneud cais i gofrestru cyn gwneud cais am bleidlais bost. Y dyddiad cau ar gyfer cofrestru i bleidleisio yw **hanner nos, 12 diwrnod gwaith cyn y bleidlais**. Cofrestrwch i bleidleisio ar-lein yn **gov.uk/cofrestru-i-bleidleisio**.

Beth fydd yn digwydd ar ôl i mi ddychwelyd y ffurflen hon?

- Bydd eich swyddfa gofrestru etholiadol leol yn cadarnhau p'un a yw eich cais wedi'i dderbyn neu ei wrthod.
- Pan gynhelir etholiad, anfonir eich papur pleidleisio atoch drwy'r post.
I gael rhagor o wybodaeth am ddsbarthiad y pecyn pleidleisio drwy'r post, gallwch gysylltu â'r swyddfa etholiadau yn eich cyngor lleol.
- Bydd eich pecyn pleidleisio drwy'r post yn cynnwys cyfarwyddiadau ar gyfer pleidleisio drwy'r post a dychwelyd eich pleidlais bost.
- Gwnewch yn siŵr eich bod yn dychwelyd eich pleidlais bost er mwyn iddi gyrraedd erbyn y dyddiad cau, neu ni chaiff ei chyfrif.

Datganiad preifatrwydd

Mae'r hysbysiad preifatrwydd hwn yn dweud wrthyhych beth fydd yn digwydd i'r wybodaeth bersonol y byddwch yn ei rhoi gyda'r ffurflen gais hon.

Y Swyddog Cofrestru Etholiadol yw'r Rheolydd Data at ddibenion deddfwriaeth diogelu data. Ei sail gyfreithlon dros gasglu'r wybodaeth bersonol yw bod angen y gwaith prosesu er mwyn cyflawni tasg er budd y cyhoedd, fel y nodir yn Neddf Cynrychiolaeth y Bobl 1983 a rheoliadau cysylltiedig.

Mae gofyniad cyfreithiol ar y Swyddog Cofrestru Etholiadol i brosesu eich gwybodaeth bersonol yn ddiogel a chydymffurfio â deddfwriaeth diogelu data. I gael rhagor o wybodaeth, dylech gyfeirio at ei hysbysiad preifatrwydd. Gallwch ddod o hyd i gyfeiriad ei wefan a'i fanylion cyswllt yn **comisiwnetholiadol.org.uk/pleidleisiwr**.

